

Talofa Aiga o ASD

I le vaai i le fa'atonuga, o **Mati 17 o le fa'ama'i o le COVID-19** mai ia Kovana Dunleavy i le taeao nei, ua ou fai ai i pule-galuega, e galulue mai i fale ia tagata faigaluega seia toe logo atu.

I luga la o lenei ta'iala fou, o le finagalo o le District (Itumalo A'oga), ia fai mea uma lava e mafai ona fai, e puipuia ai tagata faigaluega ma taofi le pepesi o lenei siama. O lo'o malamalama le District i le tāua tele o lana fesoasoani, e taofi le pepesi o lenei fa'ama'i, ma matou te talitonu o le fa'ataga o tagata faigaluega e galulue mai i fale, o se mea lea e sili ona fai.

O le a fa'aaoga e ta'ita'i o le ASD lenei aso e iloilo ai le tulaga o le mea o tupu ma fai fa'ai'uga i nisi mea e fai, i le aga'i i luma. O le a faia e le District, fa'atasi ma tagata faigaluega, se iloiloga o mea o lo'o mana'omia, e fesoasoani, e iloa ai e le District, mea e tatau ona fai, auā ia sini ma le misiona fa'alea'oga, i le aga'i i luma.

O lenei suiga fou e mafai ona fa'agata ai le feso'ota'iga fa'aletagata, i le va o tagata faigaluega a ASD ma tagata lautele. Toe fai atu, o le fa'amoemoe, o le puipuia lea o tatou tagata faigaluega ma fai mea uma lava e mafai ona fai, e taofi ai le pepesi o le fa'ama'i o le COVID-19.

O ā galuega fesoasoani a ASD o le a maua pea?

Galuega o le Soifua Maloloina

Mo fanau a'oga o lo'o mana'omia le fesoasoani fa'a-teine foma'i, fa'amolemole galulue fa'atasi ma le ofisa o Soifua Maloloina a ASD i le telefoni 907-742-4136 pe imeli i le healthcareservices@asdk12.org. E finagalo le District e avatu so'o se fesoasoani o mafai ona maua, i fanau a'oga e maualuga lo latou maua o le fa'ama'i, e tusa ai ma ta'iala a le CDC.

Ofisa o Meaai a Fanau a'oga

O le a fa'aaauu pea e le ofisa o Meaai a Fanau a'oga a le ASD, le avatu o meaai-afifi o le taeao ma le aoauli, mo so'o se tamaititi e 18 pe la'ititi ifo, mai nofoaga ua sekiina mo ia fesoasoani. O meaai e avatu i ta'avale ole a tumau pea e pei ona fa'atulagaina, e fesoasoani i fanau a'oga ma aiga e le mafai ona o'o atu i nofoaga e tufa ai meaai. O fa'amatalaga i nofoaga e tufa ai meaai ma meaai e avatu i pasi, e maua i le telefoni [o le](tel:907.348.5142) 907.348.5142.

Fesoasoani Fa'alea'oa'oga

I lenei lua vaiaso, o lo'o vaai tasi ia ASD i le avatu o a'oa'oga fesoasoani mo fanau a'oga. E le'o ni a'oa'oga nei e pei o a'oa'oga i totonu o potu a'oga, ma o lea o le a leai ai ni mea a'oga fa'atonu po'o ni togi fo'i, i lenei vaitaimi. E ui i lea, e t'āua a'oa'oga fesoasoani, ma matou te una'i oe, e te a'oa'o fa'atasi ma lau tama. O le feso'ota'iga mo [Fesoasoani mo Aiga](#) i luga o le initineti a le ASD COVID-19, e aofia ai A'oa'oga Fesoasoani. E maua ai e aiga manatu ma gaiouga e mafai ona latou fai i le fale, i lenei lua-vaiaso o tapunia ai a'oga. Fa'atasi ma le initineti a le a'oga (district), o le a fa'asoa atu e faiaoga ia a'oa'oga fesoasoani mo latou tamaiti a'oga ma latou aiga.

Sa galulue malosi ia faiaoga a ASD e feso'ota'i ma latou tamaiti a'oga ma latou aiga, e vaai i le mafai ona fa'aaauu o gaiouga fa'alea'oa'oga, i le taimi o tapunia ai a'oga. I le aso nei, sa fa'amauina e tagata faigaluega a ASD le siliga ma le 41,000 telefoni i aiga.

O la outou tala mai lea ia matou :

- 91 pasene o outou na lipoti mai, le lava o le vaaiga o fanau, i le taimi o tapunia ai a'oga
- 87 pasene o outou o lo'o maua le initineti vave i le fale
- 4 pasene e leai se initineti i le fale

E tusa ai ma komepiuta, telefoni ma mea fa'apena :

- 41 pasene e i ai le komepiuta i le fale
- 70 pasene e i ai le komepiuta feavea'i i le fale
- 57 pasene e i ai le komepiuta la'ititi i le fale
- 69 pasene e i ai le telefoni e maua ai le initineti, fa'atasi ma le data
- 5 pasene e leai nisi o nei mea o taua i luga, i le fale
- 65 pasene e mafai ona lolomi i le fale

E molimauina e tala oi luga, o nisi o aiga e i ai telefoni ma komepiuta. O le a matou fa'aaogaina nei tala i le aga'i i luma, pe a mana'omia le faia o fuafuaga

mo a'oa'oga i luga o le initineti, mo aoga uma o le itumalo.

E pei ona e silafia, o lo'o fa'ateteleina le suiga o le mea o tupu nei - o le fa'ama'i - i se tulaga mata'utia ona vave, ma fa'afetai mo lo [outou onosa'i](#). E fa'aaauau pea e ASD ona avatu ia tala pito sili ona lata mai, i luga o lana tuatusi i le intineti. Ou te mautinoa e mafai ona tatou asaina lenei taimi, ma o lea malosi o le tumau i mea faigata, o se aga lelei lea e a'oa'o ai tatou fanau a'oga, i totonu o lenei lalolagi (po'o latou olaga.)

Fa'afetai,
Dr. Deena Bishop
Pule o A'oga